

Coneissi lo camin  
que vai a la Dordonha  
dins lo prat dau vesin  
quo's un camin de somi  
los pes dins l'aiga  
e lo cap dins lo vent  
quo sentia bon dins l'aire  
li tornavi sovent

**E totjorn . . . .**  
**l'aiga de la Dordonha**  
**miralha los castels**  
**e sus la Dordonha**  
**davalan los batels**  
**davalan los batels**

Coneissiai lo camin  
qu'anava a la ribiera  
es vengut lo camin  
que vai a la graviera  
crusa que crusa  
cal far montar la piera  
gagna que gagna  
tant pieg per la ribiera

Coneissiai lo camin  
qu'anava a l'aiga fiera  
es vengut lo camin  
que vai al cementeri  
los peissons se'n van  
los pescaires tanben  
los toristas vendran  
lo plan d'aiga es preste

Un jorn, un pau pus naut  
benleu pas lonh d'aqui  
EDF montara  
centrala nucleara  
paura Dordonha  
aqui sera ta fin  
mort a la font de vita  
e negre l'avenir